

Amachatha amane

Umbala onjengo-Y ogonqomileyo



Ingozi yomhogoyi we-Fall Army Worm

Isingeniso

Umhogoyi we-*fall army worm* yisinanakazana esitsha ezweni leZimbabwe esiphazamisa izilimo, esesimemetheke sangena ezigabeni zonke zelizwe. Simemetheka masinyane njalo sidla izilimo ezinengi ezitshiyeneyo, kodwa silokuthanda umumbu lamabele; sidle amahlamvu leziq.



Ubulongwe obutshiywa ngumhogoyi lo



Ukudliwa kwamahlamvu

Sibonakala ngani isibungu lesi? *(Bana leqiniso ngokusazi isibungu lesi.)*



1

Ingqumbi yinye ingaba lamaqanda afika 200

- Amavevane alesisibungu abekela ingqumbi zamaqanda.
- Ingqumbi lezi zembethe iziboya ezimhlotshanyana.
- Amaqanda atholakala enamathele amahlamvu.




2

- Kungedlula amalanga 2 kusiya 3, amaqanda abayimihogoyi.
- Nxa isidla, amahlamvu asala elezikhenxe kumbe ehwayekile.



4

- Nxa umhogoyi usumkhulu, uyawela phansi uzigebehele phansi uqale ukuguquka.
- Ngemva kwamalanga angu-8 uphuma usuguqukile waba livevane.
- Amavevane ke, abeseqhubeka ayebekela amaqanda kuqale kutsha.



3

- Imihogoyi le ikhula ngesikhathi esifitshane ibemikhulu. Nxa abalimi bengenzanga lutho ngomhogoyi lo ngesikhathi imincane, kubanzima ukuba kuvikelwe ukuphazamiseka kwesivuno.
- Imihogoyi ilombala oluhlaza kumbe umbala onsundwana, ibe lemizila ethile emnyama emzimbeni.
- Emakhanda ilombala onjengo-"Y" ogonqomileyo, kuthi nxa sekusiya ekucineni komzimba ibelamacatha amane amnyama.

Abalimi bangezani?

1 Yenqabelani ukwanda kwesibungu lesi

- Phangisani ekulimeni, lilime ngezulu lakuqala elikhulu. Imihogoyi le ibayingozi enkulu kuzilimo ezilinywe ngemva kwesikhathi esikhuthazwayo.
- Lima uxubanisa izilimo. Ungaxubanisa umumbu / amabele lendlubu, i-lablab, indumba lokunye.
- **Bana lomkhuba wokuhlola izilimo emasimini.** Lokhu wenzela ukuba imihogoyi le uyinanzelele kusaselesikhathi sokuvikela ukuphazamiseka kwesivuno. **Qala ukuhlola izilimo zisasencinyane, zisaselamahlamvu amabili kumbe amathathu.**
- Hlola amasimu udinga isinanakazana lesi kabili kumbe kathathu ngeviki, viki zonke.
- Nxa uhlola amasimu, khetha imizila engu-5. Landela ngokuhlola izilimo ezingu-20 emzileni munye ngamunye.
- Injongo yokuhlola ngeyokuthi unanzelele isinanakazana lesi sisasesimeni sokuba ngamaqanda, usenzela ukuba uwafihlize engakabiyimihogoyi. Imihogoyi yiyo elengozi kuzilimo zakho. **Amaqanda atholakala ikakhulu ngaphansi kwamahlamvu.**
- **Ungawathola amaqanda, ngena ensimini yonke uwadinge uwafihlize.** Ungawafihliza amaqanda, ungaba lakho ukwenqabela ukumemetheka kwemihogoyi le ensimini yakho.
- **Ungami ukuhlola. Qhubeka uhlola insimu yakho viki zonke.** (Fihliza inqumbi zamaqanda zonke ozitholayo kodwa kunzima ukuwaqeda wonke.) Unganzelela ukuthi amahlamvu atshengisela ukudliwa kutsho ukuthi imihogoyi isikhona ensimini yakho njalo sokumele uthole imithi ngokuphangisa uyisebenzise.

2 Thenga imithi

- Ekuhloleni insimu yakho, ungathola izilimo ezingu-10 kusiya kwezingu-15 zitshengisela ukudliwa yimihogoyi; thenga imithi ufafaze insimu yakho.

Hlola insimu yakho viki zonke



- Bana lokukhuthalela ukuhlola insimu yakho. Kulula ukuzivikela nxa isinanakazana lesi sisaseyimihogoyi emincane.
- Imihogoyi emincane esanda kucacadwa inzima ukubona ngamehlo (3 to 4mm ubude).
- *Ukulimala kwamahlamvu ezilimo okunjengokuhwayeka kumbe izikhala kuyisitshengiselo sokuthi imihogoyi isikhona ensimini yakho.*




Izikhala zokudliwa



Ukuhwayeka

3 Nxa usebenzisa imithi

- Fafaza isilimo sinye ngasinye. Fafaza isihlahla sonke lamahlamvu.
- Fafaza ekuseni kakhulu kumbe sekuhlwile. Ngezikhathi lezi imihogoyi le itholakala emahlamvini isidla njalo kulomoya othuleyo okwenza umuthi ungalahleki.
- **Sebenzisa iziqgoko lempahla zokuzivikela emithini oyisebenzisayo.**
- Bala okubhalwe emagabheni emithi. Landela okubhaliweyo.



Zivikele emithini oyisebenzisayo

- Thenga imithi eqondileyo kuzitolo eziqondileyo.
- Buza abalimisi ngemithi ongayithenga.
- Sebenzisa imithi etshiyeneyo ngezikhathi ezitshiyeneyo. Ungasebenzisi umuthi munye kokuphela.

YAZISA ABALIMISI NXA UCABANGELA UKUTHI INSIMU YAKHO ISIHASELWE YIMIHOYOI LE.